

سنگینا

نومرو ۸۰

پنجشنبه

۳۰ تشرین اول ۱۳۲۴

اجمال داخلی

ارمنی بطریقك انتخابی - اورمانیان فصل برآدمدی - بطریقخانه مجلس عمومی - مجلس جهانیه عائد خاطرات - از میریان افندیك اخلاق و مسلکی - مجلس عمومیك - صدارته تبایغات و مستدعیاتی - اناطولی، دینلیدی قدر، قاریشقی - آوستریا اطه قلعهدده کی قوتی تزید ایدیور - اطه قلعهك حال و موقعی - ایلاک مبعوثلرك و رودی - مزده ، مزده : استانبول انتخاباتی یوروپور ! - جبل لبنانند مبعوثان - جبل لبنان امتیازاتك - مقدمات تاریخیسی و ماهیتی .

استانبول ، ۲۸ تشرین اول ۳۲۴

تشرین اولك یکریمی ایکنجی کونی قومقبوده طوبالانارمنی بطریق خانهسی مجلس عمومیسی از میریان افندی بی اتفاق آرا ایله بطریقک انتخاب ایدی .
از میریان افندیك سلفی اورمانیان افندی اداره سابقهك ارمنیلره قارشو متخذ و پروردهسی اولان مسلك و آماله مماشاة و خدمت ایلدکن بشقه مساوی* اخلاق و جماعته عائد منافع مادیجه سوء استعمالات ایله لکگلنش اولدیقندن انقلابدن جزئی مدت صوکره ارمنی ملتی طرفندن بطریقکلکن قوغولورجهسه چیقارلمش و یقین زمانلره قدر خلق طرفندن پك آغیر برصورتده علناً ترذیل ایدلمش ایدی. «صبح حربت» بهسك فصل اولنده حیات سیاسی و خصوصیهجه ردائلی برنبذه تصویر اولنان بعض اکابر مطروده ارهسندده کوریلان پاپاس افندی اورمانیاندن بشقهسی اولسه کرکدر !

ارمنیلر بودفعه بطریقك مقامنه کتیردککری از میریان افندی ۳۱۲ اغتشاشاتی اوزرینه بطریقکلکن چکلکهک مجبور قیلنمش و قدسه نفی اولنش ایدی . حکومت مشروطه تأسس ایدنجه بورایه عودت ایتدی . وارمنی ملتی طرفندن فوق العاده خواهش و طنطنه ایله استقبال اولندی . را کب اولدینی واپورک و رودنده مستقبلین ایله طولمش و دونائمش مرا کب بحریهك انواعیله اورتولن دکرك و طوبیخانهدن قره کوی کوبریسك باشنه قدر قیلمدائغفه بیله امکان بوله میان بیکلرجه انسانله قبالانمش ریختمك منظرهسی کوزمك اوکندن کیتمز . و سلامه اشارت اولوق اوزره واپورلردن بلا فاصله انتشار ایدن دودوک سسلری ، چیغلقلری .

قولاً غمدن چیقماز . بوجه مستثنایله قارشولانمش و بر آئی قریبده بطریق صفتی تکرار آله جنی بیلنمش اولان ازمیرلیان ائندی درسعداتی « آجپازین » ترجیح ایتیش . والئی کوندن برو ممالک عثمانیه دهکی ارمیلرک مقام ریاست روحانیه سنده قائم بولمیشدر .

مجلس عمومینک بودفعه کی تشکل واجتماعی بطریق خانجه وارمنی جماعتجه وقایع عادیه دن صایلماز . ارمنی بطریق خانه سنک ۱۲۸۲ تاریخی نظامنامه اساسی حکمنجه هرایکی سنده بر کره نیسان او ائرنده طویلانوب « مرور ایدن ایکی سنه ظرفنده وقوع بولان اداره امورک مضبوطه سی استماع ایله تحصیل و صرف اولنش اولان مبالغک محاسبه عمومیه سی رؤیت و تقیتش و ملت مجلسلرینک کافه اعضا سی مجدداً انتخاب و سئدین اداره مالیه سنک صورت اداره سنده قرار » اعطا ایلدکن بشقه قاتوغیقوسک انتخابه داخل اولمق و درسعداتی و قدس بطریقلرینی انتخاب ایتک ، مجلس روحانی ایله مجلس جسمانی اره سنده یاخود بو مجلسلر ایله بطریق بئنده اختلاف حادث اولورسه مذاکره و حل ایلک و الحاصل نظامنامه اساسینک یکیدن تصحیحی لازم کلدکده و کندی رأی و قرارینه منوط بر مسأله ظهورنده رخصت مخصوصه ایله طویلانمق وظیفه و صلاحیتلرینی حازر اولان مجلس عمومی حکومت سابقه نظرنده یالکیز بطریق انتخاب ایدر بر هیئت منزله سنده ایندیرلدکن بشقه طویلانه مز اولمشدی و بوکاده سبب و مبدأ استانبول حادثات معلومه سی ایدی . امور دینیه نک غیری کافه خصوصاتک مرجعی و « معارف » ، « تأسیسات » (املاک ملیه) ، « محاکمه » ، « مناسترلر » ، اموال جماعتک اداره سنده و حساباتنه باقان « محاسبه » ، « وصیت » و « خسته خانه لر » قومیسونلری اعضا سنک منتخبی اولان مجلس جسمانی بی بالانتخاب تشکیل ایده جک هیئت مجلس عمومی اولدینی حالده آنک انعقاد ایده مامسی بطریق خانه بی سنده رجه مجلس جسمانی سندن دخی محروم براقش ایدی . شو حالدن مصالح ملیه جه تاثرات جالب نظر بر درجه یه واردینی ائنالرده ایدی که اورمانیانه براراده تبلیغ اولنه رق مجلس جسمانی اعضائی ایچون ملتندن افراد آیرمسی امر ایلدی . او زمانک

مزاجه رعنا وقوفی اولان اورمانیان انتخاب ایندیکی آدملرک بریسته سنی و بردی .
 بونده مندرج اسامی صاحب لرینک مأموریتلری تصدیق اولندی و خاطر مده
 قالدیغنه کوره شو طرز مختصر اوزره تشکل ایدیورین مجلس جسمانی اعضای
 جدیده سنک سینه صداقت دینه لرینه برده نشان طاقلدی .

بطریق خانه اولدیغندن زیاده اورمانیان اقدینسک اونده عقد اجتماعات
 ایدن بو غریب الحلقه مجلس جسمانی نک حیاتی آراق خاتمه پذیرد . بعد ازیں
 مجلس جسمانی بی مجلس عمومی شرائط نظامیه دأره سنده انتخاب ایلجه کدر .

ازمیرلیان افندی بی اوزاقدن یقیندن طانیانلر کندوسنک الیهات عید و به جه
 استاد بولندیغنده ، متانت و فضیلت اخلاق صاحبی اولدیغنده متحد الزایدلر .
 ارمینلرک کترله ساکن بولندقلری آناتولی ولایاتسده مختاریت اداره فکری بی
 - بویله بر فکرك قابل اجرا بولندی بی اعتقاد قویسیله - بسلر اولدی بی شیوع
 بولش ایدی . او ولایتلره تابع سنجاقلرک ، حتی قضاقلرک هیچ برنده ارمینلر
 یوزده اوتوز نسبتی آشمداقلری حالد اورالره بر « ارمستان » شکل وصفی
 و یرمک و مجرد ارمی عنصرندن طولانی آسیای صغرا نک اقطار شرقیه - سنده
 مختاریت اداره بی حاز بر قسم واسع وجوده کتیرمه کی ایستمک قدر یا کلس
 وغیر قابل اجرا بر نظریه و امنیه اولهمیه جفندن ازمیرلیان اقدینسک تأمین اولان
 عرفان واعتدالیله قابل تألیف بولمدیغ بو شایعاتی تحقیقه لزوم کوردم . بورو اینسک
 محتججه امنیت بخش ایده جک کیمسه به تصادف ایتمدم . بناء علیه ازمیرلیان افندی بی
 افکار مفرطیه صورت جدیدده خدمت ایدر بر آدم اولماق اوزره طانیق
 طوغری اولور . بطریق لکه انتخابندن سوکره کندوسیه ملاقات ایدن برلی واجبی
 غزیه مخبر لرینک خلاصه ثنریاتنه کوزه ازمیرلیان افندی ارمی مسکون اولان
 ولایتلرده ساده جه توسیع مآذونیت اصولی اوزره اداره طرفداریدرکه بواسط
 ذاتاً قانون اساسیده موجوددر .

یکی بطریق افندی ملتداش لرله مملکت مزده کی عناصر سآره آرہ سنده
 ارمینلری بر خیلی معاملات مدنییه جه بیله دوچار صعوبت قیامق راده لرینسه

واردی رملش اولان عدم مساواتک ضدینه مبدل اولسنی بالطبع تمی ایتمکله برابر امتیازت مذهبییه بی محل مساوات عد ایتمورده: «ملل عیسویه تک امتیازاتی ماده سنه عامل اولان ترکار نظر موافقتله باقارلر؛ چونکه عناصر مختلفه ارسنده مودت و مقارنت حقیقیه آنجق بو امتیازات سایه سنده حاصل اوله بیلور» دیبور. فی الواقع امتیازات مذهبییه ادنی تعرض هیچ بر مرک خاطرندن کچم امشدر. بیلور زک بو مسأله شمعی نظریات ایله دکل، فقط استقبالک هیچ بر عنصری ضرر دیده ایتمکسزین فعلاً حلنه موفقی اوله جنی مسألدن در. بطریق افندی وطن مشترک خیر و سعادتته چالیشیر اولدینی حالدده مقامنک یالکمز امور مذهبییه ایله اشتغال ایده جکی و اداره ملکیه و سیاسییه متعلق وظائفدن کف ید ایلیه جکی زمانی تمی ایلمک لازم کلیر صانیرم.

یوقسه بطریقخانه لرك حکومت قارشو همان حکومت مشابه اوله رق احکام نظامیه ایجاباتسندن زیاده فعلیات ایله اخذ و اکتساب ایتمش اولدقاری وضعیته نظر تصویب ایله باقلماز، نه قدر ممکنسه او قدر بیطرف بولنلسه ینه اوله باقلماز. صوک اجلمالده ایضاح ایلدیکم وجه ایله روم بطریق خانه سنک انتخابات وسیله سیله وقوع بولان تشبثاتی صورتنده کی افعال بر نسبت متزاید ایله تکرر و دوام ایدر طور و روزه امتیازات مجرای صحیحندن چیقارلمش دیمک اولور و انتظام و مساوات طوغریسی قالماز.

زیرده بحث ایده جکم مستدعیاتک ارمی بطریق خانه سی مجلس عمومی سنجه انتخاب و تعیین اولنان بر هیئت مرخصه فوق العاده ایله مقام صدارته ابلاغنه بیلیم که بر لزوم صحیح و معقول وارمیدی؟ اناطولیده ارمیلرک نه قدر جفا چکدکارنی بیلور ز. انصاف و حیت صاحبی اولوب، حسیات انسانیه ایله متحسس بولنوب، بتون او مظالمی ایشیدوبده یورکی صیرلامیان یوغیدی. هر جهته امنیتاری مسلوب اولان بیچارکان بر مهاجرت سوزشناک حالنده ترک وطن ایلدیلر. املاک و اراضیلری بر سوری متغیلین الله قالدی. اعلان حریت و مشروطیت اوزرینه مملکتلرینه عودت ایدن اصحاب حقوق البته حق لرینه توصیل

اولمئيدر . فقط نصل ؟ شونك صورت اجرا و انتاجنده كي صعوبتي آنجق راس ادارهده بولوبده ارمنييلردن بشقهلريني دخي حسابيه قاهره قه مذاكراتي شموللي بر حالده يورومتكه مجبور اولانلر و بر مسئوليت كران التنده بولنانلردركه الكافي تقدير ايدرلر بويله شيلرك على التصور بايله ميه جنفي اعتراف ايتلي . تغلب آرتق يوقدر چونكه تغلبي يشانان ، ترويخ ايدن اسباب ۱۱ تموزدن برو معدوم در . بوندن صوكره مجرمين عادييه سربست كزدميه جكلر و صاغه صوله ايضاح خسار و تعمدي ايدميه جكلر ؛ منفای مجبوري و يا اختياريلردن مملكتلرينه عودت ايدن و يا عودت ايتك اوزره يوللرده شوراده بوراده بولنان ارمنييله معاونت اولنه جق ؛ بعض طرفلرده قحط يوزندن سفالته اوغرايان اهاليك احتياجاني سوين ايديله جك : بيان ايلديكم هئيت مرخصه فوق العادهك صدر اعظم پاشايه افادات شفاهيه - ني متعاقباً توديع ايلديكي خطرهنك مندرجاتي شولاردن و برده تحقيقات و اصلاحات انجون صلاحيت واسعه ايله اناطولي به كوندرلمسي تصميم اولنان هئيتك و يا هئيتلرك امثالنه بكمزدميه جك و امنيت بخش اوله جق بريولده تشكيلنه دائر اخطاراتدن عبارتدر . وكلا ايچنده خطرهنك تمنياتي حسن نيته تلقى ايتمه جك و اناطوليده ارمنييلركده مستفيد اوله جني آسايش و امنيتك تقريرنه جداً چالشميه جق فردواحد اولمديفنه امينز . بوراسني بطريق خانه بيلمز صاننام . بو حالده خطرهنك كامل پاشايه كيفيت توديعني فضله كوستريشلي بولمامقده معذور اولديغمز كي بويله كوستريشلي شيلري لزومسز ، فائده سز عد ايتامكلكمزده ممكن دكلدر . برده بو خطرهنك امثالي كوروله جكسه بودفعه كننده اولديني كي سوز داغيدليبور ارمنييله حصر كلام ايدلمسي و بو وجهه ايله استدعائك بطريق خانه آغزبنه ياقشديرلمسي ارزو اولنور . بطريق خانه مجلس عموميسي مجلس مبعوثان مات دكلدر .

اناطوليده يرير قتال . . . دينيور ، اما اولمشمي ؟ اوليورمي . يقيناً بيلديكمز ، بيله بيلديكمز بر شي وارسه اوده رواياتك بك زياده مبالغه لي و تكذيبات رسميه نكده بر درجه به قدر محتاج تكذيب اولديني در . شقي مقول

میللی رئیس ابراهیمه اخیراً محضکاه اولمش اولان ویران شهرده ارمیلرک کسلدیکی حوادثی مثلاً یوزبیک نفوسلی بر بلده جسیمهده عینی ملندن یکر می اوتوز بیک کشیک قلیچدن کیرلمش ، بحاقلاشمش اولمی حوادثی کبی غایت اهمیتلی و مهیج بر صورتده کلدی ، یایلدی . ویران شهرک فصل بر شهر اولدیغی سکنه عمومیه سی ، ارمی سکنه منک نسبت و مقداری حقنده کی معلومه قارشو بو باده کی روایاتی غایت بالغه لی بولماق قابل دکلدی . حکومت تکذیب ایتدی . بر روایتده مبالغه کورن بر ادم او روایتک برلسان رسمیدن تکذیب ارلادیغی ده کورنجه وقعه نك موهم و موضع اولدیغنه اینانیر . بزده اینانق . شمعی ویران شهره بر هتت تحقیقه و تأدیسه کوندرلک اوزره اولدیغی ایشیدییورز . دیمک اولیورکه حکومتک تکذیبده کی قطیت طوغری دکل . هتت افکار عامه پی تطمین ایچون کیدیورسه افکار عامه نك تکذیب واقعدن مطمئن اوله ماسنده البت بر سبب واردز . شونک کبی اناطولینک سائر بعض طرفلرنده وقوعی اشاعه اولنان و شیوعی متقابلاً اطمینان بخش بر صورتده تکذیب اولنان حادثانندن بو ستونلرده دور و دراز بحث ایتمه کی اولا بولیورم . یالکز چتالجه مضافتندن چرکس کوبنه یکر می بش روم اشقیانک تسلط ایدهرک اماکن رسمیه قورشون یاغدیدرقلری محققدر . حکومت شقیلری قووالایور . — کوملجنده بلارظن اولان آستربالی بر اویون قومپانه قارشو حصوله کلن غلیان افکار و حسیات بونلری صیانت ایدن عسکر ضابطه قارشو درت بیک کبی طرفندن نمایش اجراسیله یاتشمشدر . ده طوغریسی دیگر بر ضابطک مداخله سی و نطق اوزرینه اهالی طاغیلوب بیوک بر عربده نك اوکی انمشدر . — قوجه بر مملکتده بو مثللو وقوعات امور عادیه دن صاییلیر . اداره مستبده خلقی اویونق سوداسنده اولدیغندن بیوک کوچک عادی مهم هیچ بر وقعه غزتلره عکس ایتدیرمز ، سوله تلمز و مملکتده چیت بوق کبی کوستربیلردی . خلقمز بو حاله ایشمش اولدیغی ایچون وقایع عادیه خبرلری بردنبره ذهنلرنده بیویور ، قبلرده هیجان حصوله کتیریورکه غیز اختیاریدر . شقاوتی مهمسه مه مک ایتدیکه قارنلرم

ذاهب اولسون . . . انشاء الله بر زمان کله جک که الی بر شقاوت وقعه بی بیله بیوک ، مهم ، عادتاً غیر طبیعی کوره جکز . فقط بو مملکت دها دونه قدر نه شقاوتلر ، نه قدر بیوک مقیاسده حیدود لقلر کوروب بکیره شدیر ! ۱۱ تموزدن بو کونه قدر ایسه طوبی اوج بحق آی بکمه شدیر . . . سعید پاشا قایینه سنک مجرمین عایه بی صالیو یرمک کبی اجرا آتی ده بو اوج بحق آیک ایچنده در !

بو هفته مهیج بر خبر دها کلدی : آطه قلعه بی آوستریالیر اشغال اتمش . آطه قلعه نه در ؟ زره در ؟ ذاتاً مشغولیدر ؟ دکیدر ؟ بیلمیانلر آوستریا اردوسنک ادر نه قبوسنه کلدیکی خبری آلمش قدر تهیجانه قایلیدلر . آطه قلعه طونه ایچنده وقتیلر و دین سنجاغنه ملحق اولان بر جزیره صغیره در که آوستریا اراضیمی ایله محاط قالیو یرمشدیر . بوراسی وقتیلر صربلورک تجاوا زاتنه اوغرا مش و صولک روس بخار به سی هکامنده بلغراد حکومتک مطمح نظری ایکن آوستریالیرک مداخله سیله حرب استیلا سندن قورتلیمشدیر . براین معاهده بی بواطه بی اونوتیمشدیر . ۱۸۷۸ سنه سی اوائلنده عساکر عثمانیه جزیره بی ترک اتمشیدی . آوستریا ایله وقوع بولان ایتلاف موجب بجه آطه قلعه ده اداره ملکیه عثمانیه ایقا ایدلدی . و آوستریا طرفندن بر مفرزه اشغالیه اقامه اولدی . عینی سنه ایچنده بو مفرزه افرادی یکر می بش کشی به اسدیرلدی . بچن کون استانبوله کلن خبرلرله نظراً آوستریا حکومتی طرفندن آطه به بو کره درت طوب کوندرلمش و آطه ایله بحارستان جهته کی بمض موانع اره سنده وسائط سریعته بخاره تأسیسه تشبث اولمش . و یانه ده کی مصلحتگذار من آوستریا حکومتته مراجعت ومذاکره ایله ایشی بر صورت تسویه حسنیه به ربط اتمش که تفصیلاتی بکلنیور . اشته آطه قلعه ذاتاً آوستریانک اشغال عسکریمی اتنده اولدیغندن یکی بر اشغال سوزی طوغری اولاماز . آطه قلعه به حکومت عثمانیه مدیر تعیین ایدر . بو مدیرک مخصوصاتی خارجه نظارتی و برر . مرجی و یانه سفارتی اتخاذ اولمشدر . آطه قلعه ده درت ژاندارمه مزده وار . بودرت ژاندارمه نك معاشات والبسه سی وقت وزمانده و یرمک خصوصنده اداره سابقه نك پک جاهلانه و ملعونانه تکالیف کوریلیردی . — نفوسی مساعد

اولسه ایدی مستقل بر مبعوث کوندره بیله جکدی . مع هذا حق انتخابندن استفاده ایدیور .

ایلك مبعوثلر كلكه باشلادیلر . دوز اشام كنغری بوصباحده معموره العزیز مبعوثلری و طنداشلر حیدر پاشا موقفنده جماعته ، موزیقه ایله استقبال ایتدیلر . استانبول معاملات انتخابیه سنده بوهنته بالنسبه فعالیت کوردی . فقط «استانبول مبعوثلری کیملر اوله حق ؟» سؤالک جوابی ویرمه هنوز مقتدر دگم .

جبل لبنان مبعوث کوندرمیور . بوبر مسأله اولدی : مبعوث کوندره جکی ؟ کوندرمیه جکی ؟ جبل لبنان متصرفلک بر نظام مخصوص ایله مخصوص بر اداره یه ملك اولدی معلومدر . بر نظام اغتشاشات و مداخله اجنبیه محمولدر . جبلک باشلوجه اهالیسنی تشکیل ایدن درزیلرله مارونیلر اخلاق و عاداتجه متشابه و فقط دینجه و منافعهجه مخالفدرلر . شهاب نامنده برعائله تقریباً بر عصر مدتیجه دره بکی طرزنده هریکی قومه حاکم اولمشیدی . ۱۸۴۱ده درزیلرک قیام و مارونیلره تجاوزاتی وقوع بولدی . «دیر القمر» ی ضبط و شهاب عائله سنک صوگ فرد حاکمی اولان امیر بشیری قوغدیلر . حکومت بو وسیله دن بالاستفاده جلی مرکز صیقیجه باغلامق ایستدی . وارمقصدله جبله مأمور کوندردی . فرانسه مارونیلری حمایه و شهاب عائله سنکی التزام ایدیوردی ؛ انکاتره ایسه درزیلره طرفدار ایدی . باب عالی ۱۸۴۲ده بر اداره مضاعفه تشکیلنه مجبور اولدی ، آری آری یرلده آری آری ریسلر (درزی و مارونی) اداره سنده بر عییب حکومت تشکیل اولندی . ۱۸۴۵ده شوادیره محافظه اولنقله برابر صیدامر کرینه ربط اولندی . ۱۸۶۰ده ایکی عصر مختصم یسه بر برینه کجوب جبله عظیم بر اختلال قوپدی . فرانسه ینه مداخله و بودفمه عسکر سوق ایتدی . فقط فرانسز عسکری بر الشامه دوکولدیکی زمان مرحوم فؤاد پاشا عصیانی یمان بر صورتده باصیرمشیدی . بو صوگ وقوعات اوزرینه حکومت عثمانیه دول معظمه ایله بالداکره جبل لبنان ایچون بر نظامنامه ترتیب و نشر ایلدی . (۱۲۸۱) .

اوزماندن برو دول مذکوره سفراسی بعدالاستمزاج لبنانه خرسیتیان بر متصرف

تعیین اولنور . بش سنه مدت مأموریتی قابل تمدیددر . متصرفك قاتوليك
اولسی متعاملدر . تكالیفك تحصیلی ، مأمورینك عزل ونصبی ، مجلس لوانك
جمع وریاستی وانك مقررآتیه اعلاماتك تنفیذی متصرفك وظائفنددر . انتخاب
ایله تشکیل اولان مجلس لوا تكالیفی توزیع ایدر ، سنجانك واردات ومصارفنی
تفتیش ایلر ، جبل امور عدلیهجه مستقلادر ، یالكر دعاوی مختلطه یعنی جبلیلر
ایله اجنبیلر ارسندهکی دعوالره بیروت تجارت محكمهسی باقار . جبلده عساكر عثمانیه
یوقدر . یرلیردن مختلط برژاندارمه قوتی وارددر . متصرفلق فضله وارداتندن
سنوی اوج بیک یوز کیسه ویرکو ویرهجی نظامده مندرجدر . شمعی به قدر
کوندرمدی . زیرا وارداتی آنحق مصارفنی اورتیور . جبل بویهجه مختاریت
اداره بی حازر ایکن مبعوث کوندربه یلیرمیدی؟ مبعوثانك مقرراتی جبله تعلقلنده
آنحق عهد ماهیتندهکی نظامنی اخلاص ایتماك شرطیه نافذ اولور . دیمک بونده
برتحدید وار . دیگر طرفدن قانون اساسینك ۷۱ نجی مادهسی موجبجه «هیئت
مبعوثان اعضاسنك هربری کندینی انتخاب ایدن دأردنك آریجه وکیلی اولیوب
عموم عثمانیلرک وکیلی حکمندهدر» . شوندهده تعمیم وار . حقوق و وظائفجه
عدم تساوی حاصل اولور . جبلده مبعوث کوندرمه نك (مقیداً) ده کوندرمه نك ده
طرفدارلری بولنیور . لبنانیلر عموماً ایسترلرسه نظام قالقار ودول معظمه نك ده
موافقتلری طبعی اولور . وطن مشترک اداره سنه انلرده ماباق کی تمام اقاریشیرلر .
شمعیکی حالده ۷۱ نجی ماده بی جبل ایچون تفسیر آویاعلاوه تعدیله امکان یوقدر .
یومسأله بی مجلس مبعوثان حل ایدر .

ابن الضیا

اجمال خارجی

بو هفته لیت لعل ایله بکدی . حکومت عثمانیه ایله بلغارستان آرسنده
جریان ایتمکه اولان مذاکرات حقنده معلومات صحیحه اخذ ایدیله مامکله برابر
مذاکراتک غریبون نزدنده ضرب مثل حکمنه کیرمش بر بطائت شرقیه ایله